



Inatsisartuni ilaasortaq Jakob Skade, Kattusseqatigiit Partiiat
-/maani

Aalisakkeriviit innaallagissamik imermillu pilersorneqarnerat pillugu § 36, imm. 1 naapertorlugu apeqquteqaammut akissut

17. august 2010
Sagsnr. 2010-035692
Dok. Nr. 439217

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Aallarniutigalugu apeqqutitit pillugit qutsavigissavakkit, tamatumunngali peqatigitillugu oqaatigissavara, maannakkut tunngavissarititaasut tunngavigalugit apeqqutitit eqqoqqissaartumik akisinnaannginnakkit. Apeqqutigisarnik paasinninnera malillugu matumani nunaqarfimmi ajornartorsiut aalajangersimasoq pineqarpoq, tamannali § 36 naapertorlugu apeqqummi ersinngilaq. Tamatumunnga atatillugu Nukissiorfiit apeqquteqarfigaakka, kisianni taakku aamma suliaq pineqartoq ilisimasaqarfiginngilaat. Taamaattumik kajumissaassavakkit, ajornartorsiut taanna sumerpiaq atuunnersoq erseqqissaaqullutit, taamaalillunga eqqornerusumik akissuteqarsinnaassagama.

Ataatsimut isigalugu ilisimatitsissutigisinnavara, Nukissiorfiit sumiiffinni assigiinngitsuni pilersuinerup qularnaatsuunissaanut pilersaarusiortarmata, taamatullu sumiiffiit naammaginatarmik pisinnaasaqarfigineqarnissaat siunertaralugu atuinermik siumut naliliisarllutik. Sumiiffik matumani taaneqartoq tassaasinnaavoq illoqarfik nunaqarfilluunniit. Pilersuivimmi ajoqusernerit iluarsaassinerillu, kiisalu atuinermik tassangaannartumik annertusititsinerit pilersuinerup piffissap ilaani naammakkunnaarneranik kinguneqarsinnaavoq. Ataatsimut isigalugu Kalaallit Nunaanni pilersuinerup qularnaassusaanik patajaassusaanillu qaffasissorujussuarmik angusaqarnissaq sulissutigineqarpoq.

Tulliatut apeqqutigaat, tunisassiorfik innaallagissamik imermillu imminnut pilersulernissamut qanoq periarfissaqarnerasoq. Suliassaqarfik tamanna nukimmik pilersuineq pillugu Inatsisartut peqqussutaanni nr. 14-imi, 6. november 1997-imeersumi, kiisalu imermik pilersuineq pillugu peqqussummi nr. 10-mi, 19. november 2007-imeersumi maleruagassiuunneqarpoq.

Tamatumunnga tunngatillugu ilisimatitsissutigissavara, inatsimmi Nukissiorfiit innaallagissamik imermillu pilersuinerup kisermaassisussaatitaaffeqaanngimmata. Taamaattumik suliffeqarfiit tunisassiorfittu allat innaallagissamik imermillu pilersuivinnik sananissamut periarfissaqarput, tamannali pissapat pilersuivimmik taamaattumik sanasoqannginnerani Naalakkersuisunit akuerineqarnissaq pisariaqarpoq. Kisiannili imermik pilersuiviit, ullup unnuallu ingerlanerani 10m³-t inorlugit pilersuisinnaasut imermik pilersuinerup peqqussut naapertorlugu akuersissuteqarfigineqartariaqanngillat.

Naalakkersuisut maleruagassat malillugit pilersuivimmut akuersissuteqartoqassanersoq isummerfigissappassuk, amerlanertigut pilersuiviup inuiaqatigiit aningaasaqarnerannut,

atuisunut aammalu sumiiffimmi pisortat pilersuinerannut kinguneqassanersoq aalajangiisarpog.

Pisuni amerlasuuni annertuumik atuisog imminut pilersortussanngortillugu tamanna pisortat pilersuinerannut annertuumik sunniuteqartussaavog. Nukissiorfiit pilersuivii sumiiffimmi atueq malillugu annertussusiligaasarpog. Annertuumik atuisog pisortat innaallagissamik imermillu pilersuinerannik atuiunnaarpat, tamanna sullitatigut tunngaviusunik annikillisisusaaavog, kiisalu atuisut ikinnerusut pisortat pilersuivianni pioreersumi aningaasartuutunik akiliisussanngortussaallutik. Taamaalluni ataasiakkaanut akit qaffasinnerulissappog, atuisunullu allanut akigititaasut qaffasinnerulissallutik. Kiisalu imminut pilersulernerup kingunerisaanik najukkami pinnaasat annertuallaalissappog, tamannalu inuiaqatigiit aningaasaqarnerat eqqarsaatigalugu isumatusaarnerunngilaq.

Pilersuivik nammineq pigisaq naggataagut nunap karsianut sunniuteqarnerlussaaq, akit annerpaaffissaattut aalajangerneqartut atuisut innaallagissamut imermullu ataasiakkaanut akiligassaannut killiliisarmata. Killiliusaaq pitsaasumik sunniuteqartarpoq, taamaallunimi atuisut akit qaffasippallaalernissaannut illersorneqartarput, kisiannili aamma tamatuma kingunerisaanik tamatumunnga atatillugu amigartoorutaasinnaasut Nunap Karsiata Nukissiorfiit ingerlanneqarnerannut tapiissutaat aqutigalugit matuneqartussaappog.

Matuma siuliani taaneqartut, suliffeqarfik innaallagissamik imermilluunniit pilersuivimmik sananiarluni akuersissummik qinnuteqarpat, Naalakkersuisut pingaarnertut eqqarsaatigisassaannut nassuiaataappog. Kiisalu aamma matuma siuliani taaneqartut isummerfissanut, inatsisitigut inissisimanerup qanoq ittuuneranut tunuliaqutaasussanut nassuiaatissaappog. Kisiannili Naalakkersuisut akuersissuteqassanersut akuersissuteqassannginnersulluunniit pillugu tamatigut aalajangiisoqartartussaavog.

Kisiannili suut tamaasa ersersinniarlugit ilassutigineqassaaq, tamatumunnga taarsiullugu innaallagissamik imminut toqqaannartumik pilersorniarluni ajornartoornermi pilersuivimmik suliffeqarfik sanasinnaamat, taamaallaat pisortat nukimmik pilersuivisa ajoquteqarnerini pilersuineranut atorneqarsinnaasumik. Ajornartoornermi pilersuiviup pisortat nukimmik pilersuinera sunniuteqarfiginngikkaluarlugu, suliffeqarfiup pilersorneqarnerani isumannaassuseq annertusitittussavaa. Ajornartoornermi pilersuivimmik sananissaaq aamma Naalakkersuisunit akuerineqartussaavog, ajornartoornermilu pilersuivimmut aningaasartuutit suliffeqarfimmit akilerneqartussaappog. Tamanna suliffeqarfimmut iluaqutaassanersoq imaluunniit aningaasaqarnikkut aaqqiissutaassanersoq soorunami oqaaseqarfigisinnaanngilara.

Aalisakkeriveqarneq nunatsinni ingerlasinnaassaguni pitsaasunik atugassaqartinneqartariaqartoq pillugu isummernerit tamakkiisumik taperserpara. Tamatumunnga atatillugu aalisakkeriviit innaallagissamik imermillu pilersorneqarnerisa pitsaasuunissaat naammannissaallu pingaarteqarlunnarpoq. Tamatumunngali peqatigitillugu erseqqissaatigisavara, Kalaallit Nunaanni pilersuineranut atatillugu suliassatigut aningaasaqarnikkullu unammilligassagut eqqarsaatigisariaqaratsigit.

Inussiarnersumik inuulluaqqusillunga

Jens B. Frederiksen